

INUIT ATAQATIGIIT

Inatsisartuni



17. Juni 2020

Inatsisartut suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit:

- 1. Naalakkersuisut Siulittaasuata oqaatigaa Inatsisartut ataatsimiinneranni siunnersuutit aalajangiiffigineqartut 80 %-ii tamanit isumaqatigiiffiusumik akuerineqarsimasut. Tamanna Naalakkersuisut erseqqissumik tunngavilersukkamik uppersaammik saqqummiivigisinnaavaat?**
- 2. Nunatta Karsiata toqqaannartumik akiitsui qanoq annertutigippat?**
- 3. Nunatta Karsiata akiitsui toqqaannangitsut, assersuutigalugu ingerlatseqatigiiffiit tamakkiisumik ilaannakortumillu inuiaqatigiit piginneqataaffigisaat, aningaasanik qanoq amerlatigisunik attartugaqarpat akilersugassaqaarlutilluunniit?**
- 4. Ukioq 2012 akitsuutit Nunatta Karsianut isertinneqartartut ataatsimut katillugit qanoq aningaasatigut Nunatta Karsianut isertitsissutaasarsimappat?**
- 5. Ukioq 2019-imi akitsuutit ataatsimut katillugit Nunatta Karsiata isertitsissutigisimasai qanoq annertutigippat?**
- 6. Ukioq 2020 Nunatta Karsiata missingersuutit naapertorlugit ataatsimut katillugu akitsuutinit isertitai qanoq annertutigippat?**
- 7. Innuttaasut aningaasaateqassusiat agguaqatigiissillugu ukiut kingulliit qulit qanoq ajorseriartigisimappat?**
- 8. Inuit pisuut pissakinnerillu aningaasaateqassutsimikkut imminnut ungasilliartuinnarnerat ukiut kingulliit qulit qanoq kisitsisitigut Naalakkersuisunit takussutissartaqartinneqarpat?**
- 9. Nanortalik, Narsaq, Paamiut, Tasiiliaq, Ittoqqortoormiut, Maniitsoq, Qasigiannugit, Qeqertarsuaq, Upernavik, Qaanaaq aamma Uummannaq 2008-miit 2019-ip tungaanut illoqarfittut aningaasarsiornikkut kaaviiatitaasa milliartuinnarnerat Naalakkersuisuniit malinnaavigineqarsimava?**
 - a. Kisitsisinngorlugit takussutissartaqartinneqarpat?**
- 10. 2012-miit 2020 ilanngullugu aalisarnermiit akitsuutit Nunatta Karsianut isertinneqartartut qanoq ineriartorsimappat?**

**a. Kisitsisinngorlugit Naalakkersuisuniit
takussutissartaqartinneqarpap?**

(Inatsisartunut Ilaasortaq Aqqaluaq B. Egede, Inuit Ataqtigiit)

Tunngavilersuut:

Inatsisartut ukiamut ataatsimiinnissaanni aningaasanut inatsit sammeneqartussaavoq, tamannalu tunngavigalugu apeqqutit qulaani allatakka akineqarnissaat pisariaqarluinnartuusoq naamassiniarsaraara. Neriullunga inuiaqatigiinni aningaasarsiornikkut ingerlatsineq tamakkiisumik Naalakkersuisuniit malinnaavigineqarlunilu erseqqissumik akissutissarrtaqartinneqarsinnaassasoq. Inuiaqatigiinni aningaasarsiornikkut, akileraartarnikkut aamma akiitsunik akiliisitsiniartarnikkut aaqqissuuseqqinnerit annertuut Naalakkersuisuniit ingerlanniarneqartut aamma sammisassatsinnut ilaapput.

Taamaammat pisariaqarluinnartutut isigaara nunatsinni inuit aamma kommunini aningaasarsiornikkut inissisimaneq qanoq killiffeqarnera pillugu Naalakkersuisut aalajangersaannginnerminni paasissutissanik ilisimasaqarlutik aalajangersaasarsimassasut.

Neriutigaara apeqqutit ullut suliffiusut qulit qaangiutsinnagit akineqarumaartut.